

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 K 428726 22 K
Datum: 10.10.2022.god.

U IME FEDERACIJE
BOSNE I HERCEGOVINE

Općinski sud u Tuzli, po sudiji Junuzović Jasminu, kao sudiji pojedincu, sa zapisničarem Božić Janković Ljiljanom u krivičnom predmetu protiv optuženog, Arnautović Nevresa, zbog produženog krivičnog djela, Zloupotrebe položaja ili ovlaštenja, iz čl. 383, st.1, u vezi sa čl.55, Krivičnog zakona FBiH ("Službene novine FBiH", br.36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17-u daljnjem tekstu KZ FBiH), rješavajući po optužnici Kantonalnog tužilaštva Tuzlanskog kantona u daljnjem tekstu Kantonalno tužilaštvo TK, br.03 0 KTK 0101377 22 od 22.07.2022.god., koja je potvrđena dana 29.07.2022.god., nakon zaključenog sporazuma o priznanju krivnje br.03 0 KTK 0101377 22 od 26.09.2022.god., donio je na glavnom pretresu održanom dana 10.10.2022.god. i u prisustvu tužioca Kantonalnog tužilaštva TK, Balić Kenana, optuženog Arnautović Nevresa i njegovog branioca Ćosićkić Envera, advokata iz Tuzle, istog dana javno objavio,

PRESUDU

Optuženi, Arnautović Nevres, sin Ahmeta i majke Ifete rođene Salkanović, rođen 15.03.1952.godine u Tuzli, gdje je i nastanjen [REDAKTIRANO] pismen sa završenim Ekonomskim fakultetom, diplomirani ekonomista, penzioner, neoženjen, bez djece, Bošnjak državljanin BiH, JMBG [REDAKTIRANO], do sada [REDAKTIRANO]

Kriv je

Što je, dana

1. U vremenskom periodu Januar - August 2018. godine u Tuzli, radeći kao direktor dd „Centralno grijanje“ Tuzla, svjestan da iskorištavanjem svojih službenih ovlaštenja drugom pribavlja kakvu korist, što je i htio, iskoristio svoje ovlaštenje odgovorne osobe koje je kao takvo propisano članom 119. stav 1 tačka 7 Statuta dd „Centralno grijanje“ Tuzla koje predviđa da direktor prima zaposlenike u radni odnos, znajući da je Pravilnikom o organizacionoj strukturi i sistematizaciji sa opisom poslova u okviru organizacione strukture i šemom organizacije tog

preduzeća za radno mjesto „referent za reklamacije“ u okviru Sektora „Odnos sa potrošačima“ predviđen uslov „diploma ekonomskog ili društvenog smjera (IV stepen) i najmanje 1 godina radnog iskustva na knjigovodstvenim poslovima“, svjestan da će na taj način drugom pribaviti korist u vidu protivpravnog zaposlenja, što je i htio:

2. Dana 31.01.2018. godine sa Dizdarević Renatom zaključio ugovor o radu broj 009-00643-2018 na određeno vrijeme do 31.07.2018. godine za radno mjesto „referent za reklamacije“ u okviru Sektora „Odnos sa potrošačima“;
3. Dana 01.08.2018. godine sa Dizdarević Renatom zaključio ugovor o radu broj 009-04608-2018 na neodređeno vrijeme za prethodno navedeno radno mjesto, iako je znao da Dizdarević Renata ne ispunjava uslove propisane Pravilnikom o organizacionoj strukturi i sistematizaciji tog preduzeća u pogledu stručne spreme i potrebnog radnog iskustva, jer je posjedovala diplomu srednje medicinske škole, i nije posjedovala najmanje 1 godinu radnog iskustva na knjigovodstvenim poslovima nakon sticanja diplome ekonomskog ili društvenog smjera (IV stepen), pa je postupajući na prednje opisani način Dizdarević Renati pribavio korist u vidu protivpravnog zaposlenja,
4. Dana 10.04.2019 godine u Tuzli, radeći kao direktor dd „Centralno grijanje“ Tuzla, svjestan da iskorištavanjem svojih službenih ovlaštenja drugom pribavlja kakvu korist, što je i htio, iskoristio svoje ovlaštenje odgovorne osobe koje je kao takvo propisano članom 119. stav 1 tačka 7 Statuta dd „Centralno grijanje“ Tuzla koje predviđa da direktor prima zaposlenike u radni odnos, znajući da je članom 2. Zakona o izmjenama i dopunama Zakona o radu FBiH (Službene novine FBiH broj: 89/18 od 09.11.2018. godine) dodat član 20 A stav 2 kojim je predviđeno da se u privrednim društvima u kojima Federacija, Kanton, Grad ili Općina učestvuje sa više od 50% ukupnog kapitala, kao što je to slučaj sa dd „Centralno grijanje“ Tuzla gdje Grad Tuzla ima kao osnivač udio od 51% u ukupnom kapitalu, prijem u radni odnos vrši nakon provedene procedure obaveznog javnog oglašavanja za prijem u radni odnos, te znajući da je Pravilnikom o organizacionoj strukturi i sistematizaciji sa opisom poslova u okviru organizacione strukture i šemom organizacije tog preduzeća za radno mjesto „treći knjigovođa“ u „Sektoru ekonomsko-financijskih i planskih poslova“ predviđen uslov „diploma iz ekonomske struke (IV stepen) i najmanje jedna godina radnog iskustva na knjigovodstvenim poslovima, svjestan da na taj način pribavlja korist Bećirović Saneli u vidu protivpravnog zaposlenja, što je i htio, bez provedene procedure obaveznog javnog oglašavanja za prijem u radni odnos, sa Bećirović Sanelom zaključio ugovor o radu broj 009-02348-2019 na neodređeno vrijeme za radno mjesto „treći knjigovođa“ u „Sektoru ekonomsko-financijskih i planskih poslova“, iako je znao da Bećirović Sanela ne ispunjava uslove u pogledu dužine staža za to radno mjesto nakon sticanja diplome, jer je diplomu ekonomske struke (IV stepen) stekla 20.02.2019. godine, odnosno jedan mjesec i 20 dana prije zaključenja navedenog ugovora o radu na neodređeno vrijeme, pa je postupajući

na prednje opisani način pribavio korist Bećirović Saneli u vidu protivpravnog zaposlenja,

Čime je počinio produženo krivično djelo, Zloupotrebe položaja ili ovlaštenja, iz čl. 383, st.1, u vezi sa čl.55, KZ FBiH, pa mu sud za to krivično djelo, primjenom odredaba čl.49, st.1, čl.60, st.2, čl.62, st.1, 2 i 3, KZ FBiH, izriče,

UVJETNU OSUDU

S tim što se optuženom za učinjeno krivično djelo utvrđuje kazna zatvora u trajanju od 6 (šest) mjeseci i određuje da se ta kazna neće izvršiti ako optuženi za vrijeme od 2 (dvije) godine po pravosnažnosti presude ne učini novo krivično djelo.

Na osnovu čl.202, st.1, ZKP FBiH, optuženi se obavezuje nadoknaditi troškove krivičnog postupka u iznosu od 50,00 KM (pedesetkonvertibilnihmaraka), u roku 15 dana nakon pravosnažnosti presude, pod prijetnjom prinudnog izvršenja.

Obrazloženje

Kantonarno tužilaštvo TK, je optužnicom, br.03 0 KTK 0101377 22 od 22.07.2022.god., koja je potvrđena dana 29.07.2022.god., optužilo, Arnautović Nevres, zbog produženog krivičnog djela, Zloupotrebe položaja ili ovlaštenja, iz čl. 383, st.1, u vezi sa čl.55, KZ FBiH, sa kojim je zaključilo sporazum o priznanju krivnje br.03 0 KTK 0101377 22 od 26.09.2022.god. i predložilo sudu da se optuženom izrekne uvjetna osuda s tim što se optuženom za učinjeno krivično djelo utvrđuje kazna zatvora u trajanju od 6 (šest) mjeseci i određuje da se ta kazna neće izvršiti ako optuženi za vrijeme od 2 (dvije) godine po pravosnažnosti presude ne učini novo krivično djelo.

Optuženi je prema sporazumu o priznanju krivnje i zapisniku sa ročišta o razmatranju sporazuma o priznanju krivnje, priznao da je kritične prilike počinio krivično djelo koje mu je optužbom stavljeno na teret, a na način iz izreke ove presude.

Na ročištu o razmatranju sporazuma o priznanju krivnje i ročištu za izricanje krivično pravne sankcije na osnovu sporazuma o priznanju krivnje, sud je ostvario uvid u dokaze koji potvrđuju navode optužnice, kao i dokaze potrebne za izricanje krivično pravne sankcije i to: Zapisnik Kantonalnog tužilaštva TK, broj T03 0 KTK 0101377 22 od 22.07.2022.godine o ispitivanju osumnjičenog Arnautović Nevresa, Zapisnik Kantonalnog tužilaštva TK, broj T03 0 KTK 0101377 22 od 06.07.2022.godine o ispitivanju osumnjičenog Arnautović Nevresa, Zapisnik Sektora kriminalističke policije MUP TK, Odsjeka za borbu protiv privrednog kriminaliteta i korupcije od 14.10.2021.godine o saslušanju svjedoka [REDACTED], Zapisnik Sektora kriminalističke policije MUP TK, Odsjeka za borbu protiv privrednog kriminaliteta i korupcije od 18.10.2021.godine o saslušanju svjedoka [REDACTED], Zapisnik Sektora kriminalističke policije MUP TK, Odsjeka za borbu protiv privrednog kriminaliteta i korupcije od 31.05.2022. godine o saslušanju svjedoka [REDACTED], Zapisnik Sektora kriminalističke policije MUP TK, Odsjeka za

borbu protiv privrednog kriminaliteta i korupcije od 09.06.2022.godine o saslušanju svjedoka [REDACTED], Zapisnik o dobrovoljnoj predaji predmeta i dokumentacije Sektora kriminalističke policije MUP TK, broj 08-06/3-4-04.2-3-5441/19 od 13.10.2021.godine, Potvrdu o privremenom oduzimanju predmeta dokumentacije Sektora kriminalističke policije MUP TK, broj 08-06/3-4-329/21 od 13.10.2021.godine, Ugovor o pravima i obavezama direktora dioničkog društva od 21.12.2015.godine zaključen između „Centralnog grijanja“ d.d. Tuzla i Arnautović Nevresa, Izvod iz Pravilnika o organizacionoj strukturi i sistematizaciji sa opisom poslova u okviru organizacione strukture i šemom organizacije za radno mjesto referenta za reklamacije, Diplomu o završenoj srednjoj Medicinskoj školi Tuzla, na ime Malekin Renate djelovodni broj 407 od 07.06.1999.godine, Uvjerenje Porezne ispostave Tuzla, Kantonalnog poreznog ureda Tuzla broj 13-3/1-49-JS-1865 od 31.01.2018.godine, sa priložima – obrascima JS 3100 prijava/ promjena/odjava osiguranja (dva obrasca), Ugovor o radu od 31.01.2018.godine na određeno vrijeme do 31.07.2018.godine, zaključen između „Centralnog grijanja“ d.d. Tuzla i Dizdarević Renate iz Tuzle, Ugovor o radu od 01.08.2018.godine na neodređeno vrijeme počev od 01.08.2018.godine, zaključen između „Centralnog grijanja“ d.d. Tuzla i Dizdarević Renate iz Tuzle, Zapisnik o dobrovoljnoj predaji predmeta i dokumentacije Sektora kriminalističke policije MUP TK, broj 08-06/3-4-04.2-3-5441/19 od 13.10.2021.godine, Potvrdu o privremenom oduzimanju predmeta dokumentacije Sektora kriminalističke policije MUP TK, broj 08-06/3-4-327/21 od 13.10.2021.godine, Izvod iz Pravilnika o organizacionoj strukturi i sistematizaciji sa opisom poslova u okviru organizacione strukture i šemom organizacije za radno mjesto treći knjigovođa, Diplomu o završenoj srednjoj Trgovinskoj školi Tuzla, treći stepen obrazovanja na ime Bećirović Sanele, djelovodni broj 772/07 od 18.juna 2007.godine,

Diploma o završenoj srednjoj stručnoj školi – srednjoj školi po modularnim nastavnim planovima i programima PU Centar za obrazovanje odraslih Gračanica, za stručnu spremu Ekonomski tehničar-finansijsko-računovodstveni smjer, djelovodni broj 02-658-1/19 od 20.02.2019.godine, Uvjerenje Porezne ispostave Tuzla, Kantonalnog poreznog ureda Tuzla broj 13-3/1-15-38-3925 od 02.04.2019.godine, sa prilogom – obrascem JS 3100 prijava/ promjena/odjava osiguranja, Ugovor o radu od 10.04.2019.godine na neodređeno vrijeme počev od 11.04.2019.godine, zaključen između „Centralnog grijanja“ d.d. Tuzla i Bećirović Sanele iz Tuzle, Obrazac JS 3100 Porezne uprave Federalnog ministarstva finansija prijava/ promjena/odjava osiguranja od 10.04.2019.godine, Aktuelni izvod iz sudskog registra Općinskog suda u Tuzli od 24.01.2022.godine za preduzeće „Centralno grijanje“ d.d. Tuzla,

Potvrdu o privremenom oduzimanju predmeta Sektora kriminalističke policije MUP TK, broj 08-06/3-4-17/22 od 20.01.2022.godine, Zapisnik o dobrovoljnoj predaji predmeta i dokumentacije Sektora kriminalističke policije, MUP TK od 20.01.2022.godine, Statut Dioničkog društva „Centralno grijanje“ d.d. Tuzla, Odluku o usvajanju izmjena i dopuna Statuta d.d. Centralno grijanje Tuzla od 17.07.2003.godine, Odluku o usvajanju izmjena i dopuna Statuta „Centralno grijanje“ d.d. Tuzla od 24.05.2004.godine, Pravilnik o organizacionoj strukturi i sistematizaciji sa opisom poslova u okviru organizacione strukture i šemom organizacije „Centralno grijanje“ d.d. Tuzla od 28.12.2006.godine, Pravilnik o organizacionoj strukturi i sistematizaciji sa opisom poslova u okviru organizacione strukture i šemom organizacije „Centralno grijanje“ d.d. Tuzla (prečišćeni tekst) od 31.01.2019.godine, Odluku o izmjenama i dopunama Pravilnika o organizacionoj strukturi i sistematizaciji od 01.10.2018.godine, Odluku o izmjenama i dopunama Pravilnika o

organizacionoj strukturi i sistematizaciji od 30.08.2018.godine, broj 009-05 113-2018, Odluku o izmjenama i dopunama Pravilnika o organizacionoj strukturi i sistematizaciji od 30.08.2018. godine broj 009-05 125-2018, Odluku o izmjenama i dopunama Pravilnika o organizacionoj strukturi i sistematizaciji od 30.08.2018.godine broj 009-05 113/1-2018, Odluku o izmjenama i dopunama Pravilnika o organizacionoj strukturi i sistematizaciji od 14.02.2018.godine broj 009-000853-2018, Odluku o izmjenama i dopunama Pravilnika o organizacionoj strukturi i sistematizaciji od 14.02.2018.godine broj 008-00938-2018, Odluku o izmjenama i dopunama Pravilnika o organizacionoj strukturi i sistematizaciji od 01.12.2017. godine, Odluku o izmjenama i dopunama Pravilnika o organizacionoj strukturi i sistematizaciji od 17.10.2014.godine broj 01-11334/1-2014, Odluku o izmjenama i dopunama Pravilnika o organizacionoj strukturi i sistematizaciji od 17.10.2014.godine broj 01-11334-2014, Odluku o izmjenama i dopunama Pravilnika o organizacionoj strukturi i sistematizaciji od 07.05.2013. godine, Odluku o izmjenama i dopunama Pravilnika o organizacionoj strukturi i sistematizaciji od 11.12.2012.godine, Odluku o izmjenama i dopunama Pravilnika o organizacionoj strukturi i sistematizaciji od 29.03.2010.godine, Odluku o izmjenama i dopunama Pravilnika o organizacionoj strukturi i sistematizaciji od 01.10.2009. godine, broj 01-12781-2009-2, Odluku o izmjenama i dopunama Pravilnika o organizacionoj strukturi i sistematizaciji od 28.10.2009. godine, Odluku o izmjenama i dopunama Pravilnika o organizacionoj strukturi i sistematizaciji od 01.10.2009.godine, broj 01-12781-2009-2, Odluku o izmjenama i dopunama Pravilnika o organizacionoj strukturi i sistematizaciji od 18.12.2008.godine, Odluku o izmjenama i dopunama Pravilnika o organizacionoj strukturi i sistematizaciji od 20.11.2008.godine, Odluku o izmjenama i dopunama Pravilnika o organizacionoj strukturi i sistematizaciji od 24.07.2008. godine, Odluku o izmjenama i dopunama Pravilnika o organizacionoj strukturi i sistematizaciji od 05.05.2008.godine, Zakon o izmjenama i dopunama Zakona o radu (Službene novine Federacije BiH broj 89/18 od 09.11.2018. godine), Uredba o postupku prijema u radni odnos u Javnom sektoru u Tuzlanskom kantonu (Službene novine TK broj 4 od 13.04.2019. godine), Uredbu o izmjenama Uredbe o postupku prijema u radni odnos u javnom sektoru u Tuzlanskom kantonu (Službene novine TK broj 27 od 14.04.2020.godine), Pravilnik o postupku prijema u radni odnos u d.d. „Centralno grijanje“ Tuzla od 01.08.2019.godine, Izvod iz kaznene evidencije PU Tuzla broj: 08-06/7-1-03.7-3-5-10591/22 od 07.07.2022. godine na ime Arnautović Nevres i Sporazum o priznanju krivnje od 26.09.2022.godine

Nakon što je ostvario uvid u dokaze koji potvrđuju navode optužnice, kao i dokaze potrebne za izricanje krivičnopravne sankcije i pošto je prihvatio odbranu optuženog, jer je ista provjerena, potvrđena i potkrijepljena dokazima u koje je ostvaren uvid na ročištu, čija vjerodostojnost ničim i ni od koga nije dovedena u sumnju, sud je izveo zaključak da krivično djelo i njegov izvršilac nisu sporni, da je optuženi kritične prilike učinio krivično djelo koje mu je optužnicom stavljeno na teret.

Optuženi je priznao izvršenje krivičnog djela za koje je optužen. Njegovo priznanje je provjereno, potvrđeno i potkrijepljena dokazima u koje je ostvaren uvid u nastavku rasprave sa ročišta za izricanje krivično pravne sankcije na osnovu sporazuma o priznanja krivnje.

Kod ovakvog stanja stvari, sud je zaključio da su se u radnjama optuženog stekla zakonska obilježja produženog krivičnog djela, Zloupotrebe položaja ili ovlaštenja, iz

čl. 383, st.1, u vezi sa čl.55, KZ FBiH, a sve kako je to navedeno u izreci ove presude, te kako ne postoje okolnosti koje bi isključivale krivičnu odgovornost optuženog Arnautović Nevresa, to ga je sud za to krivično djelo i proglasio krivim.

Na ročištu za izricanje krivično pravne sankcije na osnovu sporazuma o priznanju krivnje optuženi je izrazio osjećaj krivice i kajanja i obećao da će se ubuduće kloniti takvog i sličnog ponašanja, te pristao da mu se izrekne krivičnopravna sankcija predviđena sporazumom o priznanju krivnje.

Pri odlučivanju o vrsti i visini krivične sankcije, sud je imao u vidu sve olakšavajuće i otežavajuće okolnosti predviđene čl.49, KZ FBiH koje utiču da kazna bude manja ili veća. Tako je cijenio stepen krivične odgovornosti, jačinu ugrožavanja i povredu zaštićenog dobra, okolnosti pod kojima je djelo učinjeno, raniji život učinioca, njegove lične i porodične prilike, kao i sve druge okolnosti koje se odnose na ličnost učinitelja.

Sud je cijenio jačinu ugrožavanja i povrede zaštićenog dobra, odnosno da li je zaštićeno dobro bilo izloženo manjoj ili većoj opasnosti, vrsti i obimu ugroženih vrijednosti, kojim sredstvima i na koji način je stvorena opasnost, koliko je ona bila bliska, te utvrdio da je u konkretnom opasnosti bila znatna, da je činjenjem krivičnog dijela koje je optuženom stavljeno na teret, zaštićeno dobro interes cjelokupnog društva i svakog građanina da državne i druge službe od javnog interesa pravilno i zakonito funkcionišu, odnosno pravilno funkcionisanja javnih službi koja vrše službena lica u vršenju svoje službene dužnosti ili u vezi sa njenim vršenjem, bilo izloženo znatnoj opasnosti, po vrsti i obimu ugroženih vrijednosti, da je činjenjem krivičnog dijela koje je optuženom stavljen na teret, odnosno nesavjestnim radom u službi, pribavio korist licima u vidu protivpravnog zaposlenja, kako je to navedeno u izreci presude.

Sud je cijenio, okolnosti pod kojim je krivično djelo učinjeno, da je optuženi bio svjestan da iskorištavanjem svojih službenih ovlaštenja drugom pribavlja kakvu korist, što je i htio.

Sve prethodno navedeno, sud je optuženom pri odmjeravanju kazne, utvrdio kao otežavajuće okolnosti.

U pogledu ranijeg život optuženog, sud je utvrdio da isti ranije osuđivan kako je to navedeno u izreci presude.

Sud je cijenio lične prilike optuženog, odnosno okolnosti u kojima učinilac živi, pa je utvrdio da je penzioner, neoženjen, bez djece, da se optuženi korektno držao i vladao poslije učinjenog krivičnog djela i za vrijeme izricanja krivično pravne sankcije, što mu je sud sve uzeo za olakšavajuće okolnosti.

Prilikom izbora vrste krivične sankcije koju treba izreći optuženom Arnautović Nevresu, za učinjeno krivično djelo, sud je našao da se u konkretnom slučaju sa osnovom može očekivati da će samo upozorenje uz prijetnju kazne tj. uvjetna osuda, dovoljno uticati na optuženog da više ne vrši krivična djela, kao i na ostale potencijalne počiniocce krivičnih djela, te da su se za izricanje te vrste krivične sankcije stekle zakonske pretpostavke iz čl.62. KZ FBiH.

S obzirom na stepen krivične odgovornosti optuženog, težinu učinjenog krivičnog djela i navedene olakšavajuće i otežavajuće okolnosti, sud je optuženom Arnautović Nevresu, izrekao sankciju kao u izreci ove presude primjenom odredaba čl.49. st.1, čl.60, st.2 i čl.62 st.1, 2 i 3, KZ FBiH.

Odluka o troškovima krivičnog postupka zasnovana je na odredbi čl.202, st.1, ZKP FBiH, a troškovi se odnose na sudski paušal, koji je odmjeran s obzirom na složenost i trajanje krivičnog postupka.

Zapisničar
Božić Janković Ljiljanom

Sudija
Junuzović Jasmin

POUKA O PRAVNOM LIJEKU:

Protiv ove presude ovlaštena lica mogu izjaviti žalbu Kantonalnom sudu u Tuzli, putem Općinskog suda u Tuzli, u roku od 15 dana od dana prijema prepisa presude.